



8.okt 2020

UKA2020/19

**Soraarnerussutisiaqalernissamut aqqissuussinermut peqataasussaaitaaneq pillugu  
Inatsisartut inatsisaata allangortinneqarnissaa pillugu Inatsisartut inatsisaat nr. xx, xx.  
xxx 2020-meersoq**

(Aningaasaqarnermut Naalakkersuisoq)

Matumuuna saqqummiunneqartoq inatsisartut inatsisaata allangortinneqarnissaannik siunnersuut Naalakkersuisut saqqummiussaata oqaaseqarfigissavarput.

Isumaqaarpugut uani saqqummiunneqartoq aamma eqqartorluagassaasoq, tassami malunnartumik inuit ilaannut inuuniarnikkut aamma innarliinermik kinguneqarmat. Ukioq kingulleq malugaarput innuttaasorpasuit ilaatigut pakasarneqarlutik pineqartut amerlasuunillu assut inuuniarnikkut equinerluttoq.

Massakkut uani siunnersuumik ilaatigut pissutsit pitsaanerulaalernissaat soorunami qanilliallanneqarpoq, kisiannili aamma eqqarsarnarluni ilumut imminut akilersinnaasumik aqqissuussinissaq ingerlanneqarsinnaanersoq. Tassami inuit ilaannut amerlasuunut kinguneqarnaviangimmat pingaartumik akissarsiakinnerusut eqqarsaatigalugit.

Nunatsinni innuttaasut isigigaanni aningaasanik isertitamikkut assut ilungersunartumik inisseqqapput, innuttaaqaterpassuagut inuuniarnikkut ilungersunarluinnartumik inisseqqapput tamannalu inuuniarnikkut assorujussuaq artorsartitsisoq takusinnaavarput.

Inuiaqatigiit amerlavallaaqaat inuuniarnikkut artorsartut. Assersuutigalugu 2018-mi 50.000,- kruunit tikillugit aningaasarsiallit 5601 taavalu 50.000,-miit 100.000,-kruunit tikillugit 4961 kiisalu 100.000,-miit 150.000,-kruunimut 4196 tassa inuit 150.000,-kruunit tikillugit aningaasarsiallit 14758 -put.

Taakkua kisitsisit takutippaat ilumut katersisitsiniarnerput ilumut eqqortumik periarfissaanersoq eqqarsaatigisariaqarparput 150.000.-kruunit aallaavigugitsigit ilumut imminut akilersinnaanersoq takujuminaatsipparput.

Allaffissornermik marloqqiusamik ingerlatsinermi pikkorippallaaqaagut. Sooq taamatut aqqissuussiarnermi Sisa tamakkiisumik atungilarput, inuit amerlannegeqaagut taamaattumik marloriaammik allaffissuinnarsinnaanngilagut aningaasat inunnt tuttariaqalerput allaffissornermut nussuinnarsinnaanngilagut.



partii naleraq

Tassami inuppassuit massakkut Sisa-mi katersaqalereerput. Uanilu inatsisissami takusinnaavarput ilanngaasorneqartussaangitsut aamma katersaqareersut Sisa-mi aammalu atorfillit namminneq katersaqareersut ilumut taamatut sulii qaavatigut allaffissoqqissanersugut nalilertariaqarparput.

Ilaatigut ataqatigiissaarineq pitsaanngitsoq inunnik oqaatigineqartarpoq katersaqareeraluarlutik akileraarnikkut ilaatigut qaffaafineqartarlutik neriunniarta tamanna aaqinneqassasoq ukiuni makkunani inuuniarnikkut atukkat oqiliartunngitsut amerlasuunut eqquinerluttarmat.

Uani inatsisissami oqaatigineqarpoq ukiup aningaasarsiorfiusup siuliani paasissutissat 31. August tikitsinnagu naatsorsorneqartassasoq tassalu taanna aappagu atuutilersussa. Ilanggullugu paaserusunnarpoq 2019-mut akiligassatigut qanoq inissimasoqarnersut kinguaattoorutit annertussusiat eqqarsaatigalugu.

Aalisartunut piniartunut savaatilinnut eqqumiitsuliortunullu akilersuinermi iliuusissaq qanoq ittuunersoq takorloorneqarpa? Taanna aamma ataatsimiititaliami eqqummaariffineqarnissaa kammattuutigarput nalilersorluarneqassasoq.

Nunatsinni soraarnerusutisiassanik katersisussaataanerput ilumut qanoq ingerlanneqassanersoq isumaqarpugut inuit ilaannut ilumut katersiniarneq akilersinnaanersoq nalilersortariaqaripput. Tassami inuit ilaannut misinnarmat asuli inuit ilaannut akilersinnaanngitsumik ingerlanneqartussaasoq pingaartumik aamma killilimmik suliffeqarluni ilaatigullu suliffissaaruttarnerit eqqarsaatigalugit

Hans Enoksen